

Bosna i Hercegovina
Federacija Bosne i Hercegovine
Tuzlanski kanton
V L A D A

Na osnovu Odluke Vlade Tuzlanskog kantona o utvrđivanju kriterija, uslova i postupka za raspodjelu i pravdanje sredstava sa potrošačke jedinice 11010022 – Mediji, broj: 02/1-11-20661/26 od 16.07.2026. godine, Vlada Tuzlanskog kantona raspisuje:

Javni poziv
za podnošenje zahtjeva za sufinansiranje programskih projekata
medija javnog informisanja u 2026. godini

I

Raspisuje se javni poziv za predlaganje programskih projekata medija javnog informisanja, u skladu sa Odlukom o utvrđivanju kriterija, uslova i postupka za raspodjelu i pravdanje sredstava sa potrošačke jedinice 11010022 – Mediji za 2026. godinu (u daljem tekstu: Odluka), u ukupnom iznosu od 250.000,00 KM, za medije u privatnom sektoru (privatna preduzeća i poduzetnici) i za neprofitne organizacije koje u okviru svoje djelatnosti obavljaju i poslove javnog informisanja.

II

Uslovi za dodjelu sredstava su:

- a. da su registrovani, imaju sjedište i djeluju na području Tuzlanskog kantona ili imaju stalnog dopisnika sa područja Tuzlanskog kantona,
- b. da posjeduju dozvolu za rad Regulatorne agencije za komunikacije Bosne i Hercegovine (odnosi se na radio i televizijske stanice),
- c. da raspolazu tehničkim, prostornim i kadrovskim potencijalom za pružanje medijskih usluga,
- d. da imaju izmirene zakonske obaveze po osnovu poreza i doprinosa, zaključno sa 31. decembrom 2025. godine,
- e. da su namjenski utrošili sredstva dodijeljena u prethodnoj godini sa potrošačke jedinice iz člana 1. Odluke,
- f. da se protiv podnosioca prijave, odnosno lica ovlaštenog za zastupanje, ne vodi krivični postupak i da nije pravosnažno osuđen za prekršaj i/ili počinjenje krivičnog djela,
- g. da dostavljeni programski sadržaj, sa akcentom na Tuzlanski kanton, obrađuje najmanje jednu od slijedećih aktivnosti:
 - praćenje aktivnosti i izvještavanje o aktivnostima rada Vlade Tuzlanskog kantona, premijera Tuzlanskog kantona, kantonalnih ministarstava, te javnih ustanova ili preduzeća sa većinskim učešćem Tuzlanskog kantona u vlasništvu njihovog kapitala,
 - afirmacija poduzetništva, obrtništva, umjetničkih i starih zanata,
 - razvoj i unapređenje poljoprivrede,
 - privredni razvoj, racionalno korištenje energije, racionalno korištenje prirodnih i mineralnih resursa, afirmacija korištenja obnovljivih izvora energije,
 - afirmacija društvenog, kulturnog i turističkog razvoja,
 - praćenje realizacije projekata investicijskog ulaganja Vlade Tuzlanskog kantona u oblasti obrazovanja, pravosuđa, putne infrastrukture, sigurnosti i zaštite okolice,
 - promociju obrazovanja, sporta kod djece i mladih ili su namijenjeni djeci i mladima.

III

Kriteriji za dodjelu sredstava su:

1. kvalitet dostavljenog programskog projekt,
2. kapacitet organizacije da provede programski projekt,
3. broj predstavljenih tematskih oblasti kroz dostavljeni programski projekt,
4. doseg subjekta aplikanta - broj pratilaca osnovnog službenog profila na društvenim mrežama (facebook, instagram), broj posjeta za web portale ili slušanost/gledanost radija/televizije,

5. kvalitet i uspješnost ranije realiziranih projekata, finansiranih ili sufinansiranih od strane Vlade Tuzlanskog kantona.

IV

Uz prijavni obrazac, predlagač je dužan dostaviti i:

1. Rješenje o upisu u registar pravnih lica (original ili ovjerena kopija),
2. Rješenje o razvrstavanju djelatnosti (original ili ovjerena kopija),
3. Uvjerenje o poreznoj registraciji (original ili ovjerena kopija),
4. Važeća dozvola Regulatorne agencije za komunikacije Bosne i Hercegovine za emitovanje (za radio i televizijske stanice) (ovjerena kopija),
5. Spesimen potpisa (original ili ovjerena kopija),
6. Ugovor o radu, rješenje ili drugi pravni akt kojim se dokazuje stalni radni angažman dopisnika na području Tuzlanskog kantona (za medije koji su registrovani van područja Tuzlanskog kantona) (ovjerenja kopija),
7. PBA3 obrazac dopisnika (za medije koji nisu registrovani na području Tuzlanskog kantona) (original ili ovjerena kopija),
8. Dokaz/potvrda nadležne poreske uprave FBiH da se predmetni dopisnik nalazi na listi osoba kojima su uplaćivani porezi i doprinosi za 2025. godinu (za medije koji nisu registrovani na području Tuzlanskog kantona) (original ili ovjerena kopija),
9. Programski projekat (emisije ili ciklus emisija, odnosno novinskih ili internet članaka) sa kojima se aplicira na javni poziv, sa kratkim opisom sadržaja i načina realizacije i utvrđenom dinamikom i planom emitovanja – štampanja,
10. Finansijski plan predloženog programskog projekta, sa specifikacijom troškova (izrada, emitovanje, objavljivanje, izdavanje) i visinom sredstava koja se potražuju od Vlade Tuzlanskog kantona,
11. Dokaze o izmirenim obavezama po osnovu poreza i doprinosa zaključno sa 31.12.2025. godine:
 - a. Uvjerenje ili potvrda nadležne poreske uprave o izmirenim obavezama ili zaključenom sporazumu o plaćanju obaveza u ratama (original ili ovjerena kopija),
 - b. Uvjerenje uprave za indirektno oporezivanje o izmirenim obavezama (original ili ovjerena kopija),
12. Dokaze o nevođenju krivičnog postupka i nekažnjavanju (dostavljaju aplikanti kojima budu odobrena sredstva po javnom pozivu):
 - a. Uvjerenje o nevođenju krivičnog postupka i
 - b. Uvjerenje o nekažnjavanju za podnosioca prijave, odnosno lica ovlaštenog za zastupanje,
13. Izjavu ovlaštenog lica o organizaciji rada medija, broju zaposlenih, području koje medij pokriva, tehničkoj opremljenosti, obimu i strukturi vlastite produkcije, redovnom tiražu (odnosi se na štampane medije), gledanosti/slušanosti i posjećenosti, te broju pratilaca na društvenim mrežama,

Pored navedenog, aplikanti su obavezni ispuniti i prijavni obrazac za predlaganje programskih projekata medija u 2026. godini.

Prijavni obrazac aplikanti mogu preuzeti na web stranici Vlade Tuzlanskog kantona www.vladatk.gov.ba.

V

Jedan predlagač može kandidovati najviše dva programska projekta.

Sredstva iz tačke 1. Javnog poziva, mogu se odobriti u maksimalnom iznosu od 15.000 KM po programskom projektu.

VI

Po donošenju programa raspodjele sredstava, Vlada Tuzlanskog kantona će, na prijedlog Komisije, donijeti pojedinačne odluke o odobravanju sredstava korisnicima, kojim će se utvrditi, prava, obaveze i odgovornosti korisnika, način pravdanje dodijeljenih sredstava, te način izvještavanja.

Svaki korisnik sredstava je, za dodijeljena sredstva, dužan dostaviti dokumentaciju sa izvještajem o namjenskom utrošku sredstava, na propisanom obrascu i u roku utvrđenim odlukom o odobravanju sredstava, da realizira sve aktivnosti u okviru programskog projekta, kao i da sve tekstove, emisije, priloge, reportaže ili

druge oblike medijskog izvještavanja urađene u okviru Projekta promoviše i putem zvaničnih profila na društvenim mrežama.

Obrazac izvještaja o utrošku sredstava aplikanti mogu preuzeti na web stranici Vlade Tuzlanskog kantona www.vladatk.gov.ba.

VII

Javni poziv će biti objavljen na web stranici Vlade Tuzlanskog kantona www.vladatk.gov.ba.

Javni poziv ostaje otvoren 15 dana od dana objavljivanja.

Prijave na javni poziv, sa potrebnom dokumentacijom, slati putem pošte na adresu: Vlada Tuzlanskog kantona – Komisija za medije, Rudarska 65, 75000 Tuzla ili putem pisarnice Vlade Kantona, sa naznakom „NE OTVARATI“.

NEPOTPUNE I NEBLAGOVREMENE PRIJAVE NEĆE SE RAZMATRATI

Vlada Tuzlanskog kantona